

PROPOZICIJE DJEČJIH TAKMIČENJA

LIGE PREDPIONIRA 2010, PREDPIONIRA 2011 I PREDPIONIRA 2012

KANTONA SARAJEVO ZA TAKMIČARSKU SEZONU 2023-2024



Sarajevo, August 2023. godine

Član 1.

Ovim Propozicijama utvrđuje se način i postupak provođenja dječijih takmičenja Lige pretpionira 2010, Lige pretpionira 2011 i Lige pretpionira 2012.

Član 2.

Organizator takmičenja u okviru Lige pretpionira 2010, Lige pretpionira 2011 i Lige pretpionira 2012 je Fudbalski Savez Kantona Sarajevo.

Član 3.

Dječije lige pretpionira podijeljene su po sljedećim uzrasnim kategorijama:

- **PREDPIONIRI 2010 – u sezoni 2023/24 to je godište 2010. i mladi / 8 +1**
- **PREDPIONIRI 2011 – u sezoni 2023/24 to je godište 2011. i mladi / 8+1**
- **PREDPIONIRI 2012 – u sezoni 2023/24 to je godište 2012. i mladi / 6 + 1**

Član 4.

Učesnici u ligama pretpionira 2012, 2011 i 2010 moraju ispunjavati sljedeće uslove:

- da su igrači registrovani u skladu sa Pravilnikom o registraciji igrača NS/FS BiH;
- Na utakmicama mogu nastupiti samo oni igrači koji su uneseni u Comet sistem i koji su proglašeni zdravstveno sposobnim od strane nadležnih zdravstvenih institucija, ili određenih zdravstvenih ustanova. Svaki igrač koji nastupa u takmičenju mora u Comet-u imati unesen period važenja ljekarskog pregleda i period za koji je uplaćena članarina;
- Rok valjanosti ljekarskog pregleda za igrače mlađe od 17 godina je četiri (4) mjeseca. Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH. Igrači koji nemaju upisan važeći ljekarski pregled u Comet-u, neće imati pravo nastupa na utakmici.
- Krajnji rok za dostavljanje ljekarskih uvjerenja tokom trajanja takmičarske sezone je posljednji radni dan u sedmici do 14:00 sati.

Član 5.

Takmičenjem rukovodi Izvršni odbor Saveza putem Komesara za takmičenje dječijih i omladinskih liga, Komesara za suđenje i Disciplinskog suca.

Član 6.

Klub koji pobijedi osvaja tri (3) boda, u slučaju neriješenog rezultata svaka ekipa osvaja po jedan (1) bod. Plasman ekipa se utvrđuje zbirom osvojenih bodova, na osnovu tabele koja se vodi za stalna takmičenja po bod sistemu.

Tabela sadrži:

- rezultat utakmice odgovarajućeg kola,
- imena timova koji se takmiče,
- broj osvojenih bodova,
- broj primljenih i datih golova.

Detalje oko utvrđivanja plasmana reguliše član 43 Pravilnika o Nogometnim/Fudbalskim takmičenjima NS/FS BiH.

Tabela sa zbirom osvojenih bodova i plasmanom ekipa učesnica **neće se javno objavljivati**.

Član 7.

Svaki klub je dužan da na utakmici nastupi sa najboljim sastavom, čiji podaci se unose u Zapisnik i to prije početka utakmice.

Delegat je dužan na utakmici izvršiti identifikaciju igrača, predstavnika kluba, trenera i drugih zvaničnih lica koji su evidentirani u zapisnik i koji su stekli pravo sjediti na klupi.

Član 8.

Delegati (aktivni igrači i treneri) ne mogu obavljati dužnost delegata na istom rangu takmičenja na kojem obavljaju trenersku dužnost.

Za sve utakmice takmičenja, takmičarski organ (Komesar za takmičenje) određuje delegata.

Listu delegata na nivou liga Pretpionira 2012, 2011 i 2010 čine sportski fudbalski radnici i bivše sudije instruktori.

Član 9.

Utakmice liga pretpionira 2012, 2011 i 2010 mogu suditi kantonalne sudije i sudije koje stiču uslove za sudiju Kantonalne lige.

Delegiranje sudija za utakmice vrši Komisija za sudijiska pitanja FS KS.

Sudije će suditi na osnovu ovih Propozicija, propisa NS/FS BiH, propisa FIFA, Međunarodnog Fudbalskog Borda (IFAB).

Član 10.

Na svim utakmicama liga pretpionira 2012, 2011 i 2010 obavezno je prisustvo fizioterapeuta.

Član 11.

Nezadovoljna ekipa može ulagati žalbe na utakmice. Žalbe po svim osnovama moraju se najaviti Savezu u roku od 24 sata po odigranoj utakmici, a pismeno obrazloženje sa dokazom o uplaćenju taksi u iznosu od 100,00 KM, dostavlja se u roku od 48 sati po odigranoj utakmici.

Član 12.

Sve takmičarske odluke u prvom stepenu donosi Komesar za takmičenje.

Disciplinske odluke u prvom stepenu donosi Disciplinski sudac.

Odluke po žalbama donosi Apelaciona komisija kao drugostepeni organ.

Taksa na žalbu u drugom stepenu iznosi 200,00 KM.

Rok za žalbu u drugom stepenu je osam (8) dana od donošenja prvostepene odluke.

Odluka drugostepene Apelacione komisije je konačna.

Član 13.

Odluke po svim žalbama se objavljuju u službenom glasilu FS Kantona Sarajevo na oficijelnoj web stranici Saveza www.fsk.ba.

Član 14.

Ako na utakmicu nije uložena žalba, a ne postoje uslovi za registraciju po službenoj dužnosti 3:0 (par forfe), utakmica se registruje postignutim rezultatom. Jednom registrovana utakmica ne može biti poništena ako je prvostepena odluka pravosnažna.

Takmičarski organ vrši registraciju odmah poslije odigranog kola i odluke se pismeno objavljuju u službenom glasilu FS Kantona Sarajevo na web stranici www.fsk.ba.

Član 15.

Sudijama i delegatima se isplaćuju naknade troškova u skladu sa troškovima FS Kantona Sarajevo, koje su unesene u ovim Propozicijama.

Sudije i delegati imaju pravo na taksu u visini od:

- Sudija 10,00 KM
- Delegat 10,00 KM
- Fizioterapeut 60,00 KM

PRETPIONIRI 2010 i 2011 SISTEM 8 + 1

I. PRAVILA IGRE

Igralište mora imati oblik pravougaonika.

Veličina igrališta je 68 X 45 metara, ili 70 x 45 metara.

Dimenzije vratarevog prostora su 5,5 x 18,30 m, a tačka za izvođenje kaznenog udarca je udaljena 11 metara od linije vrata. Dimenzije vrata su 5 x 2 m.

Utakmice se igraju loptom veličine 4. Lopte za igru dužan je obezbijediti domaćin (prvoimenovana ekipa iz rasporeda takmičenja).

Broj igrača u polju je 9 (8 igrača + golman)

Najveći broj rezervnih igrača je 5 (4 igrača + golman).

U zapisnik utakmice svaka ekipa može maksimalno upisati 13 igrača.

Igraju se 4 perioda po 10 minuta (nakon prve i treće četvrtine pauza je 1 minut, a nakon druge četvrtine pauza je 3 minuta).

Delegat na utakmici kontroliše izmjene igrača.

Aut se izvodi rukom - protivnik kod izvođenja prekida mora biti odmaknut najmanje 5 METARA.

Lopta: veličina 4.

Golovi : 5 x 2 m;

Tačka za penal : 9 m od gola;

Mijenjanje strana je na poluvremenu.

Nema offside pravila.

Jedan (1) sudija sudi utakmicu.

Nakon gol-auta golman loptu u igru ubacuje nogom, pri čemu u kazneni prostor smiju ući samo golmanovi saigrači, dok protivnički igrači mogu ulaziti u kazneni prostor tek nakon odigrane lopte. Igrač koji napušta igru čini to u prostoru za izmjene. Igrač koji ulazi u igru to također čini u prostoru za izmjene, ali tek pošto igrač koji izlazi potpuno pređe aut liniju.

II. ZAJEDNIČKE ODREDBE

Takmičenjem Lige pretpionira 2010 i 2011 rukovodi Komesar za takmičenje FS KS, koji registruje utakmice u prvom stepenu.

Pravo nastupa za Ligu pretpionira 2010 imaju samo igrači rođeni 2010. i mlađi, i djevojčice 2009. i mlađe.

Pravo nastupa za Ligu pretpionira 2011 imaju samo igrači rođeni 2011. i mlađi, i djevojčice rođene 2010. i mlađe.

Utakmice Lige pretpionira 2010 će se igrati na terenu „Safet Zajko“ u Halilovićima (općina Novi Grad), a utakmice Lige pretpionira 2011 na terenu IUS-a (općina Ilidža).

Utakmice će se igrati po dvokružnom sistemu takmičenja.

Svim ekipama učesnicama na završetku takmičarske sezone biće uručene prigodne nagrade, a dvanaestorici (12) igrača svake selekcije biće podijeljene medalje.

Za sve ono što nije predviđeno ovim Propozicijama, vrijede odredbe Pravilnika o nogometnim/fudbalskim takmičenjima NS/FS BiH, Disciplinskog pravilnika NS/FS BiH, te ostalih propisa i odluka FS KS i NS/FS BiH.

U ligama pretpionira 2010 i 2011 pravo nastupa imaju dječaci i djevojčice registrovani u skladu s Pravilnikom o registraciji, statusu i transferu igrača NS/FS BiH, te obavljenim ljekarskim pregledom u nadležnim zdravstvenim ustanovama.

Moraju biti ostvareni sljedeći sigurnosni uslovi:

- stative i prečke moraju biti tako konstruirane ili učvršćene da ne postoji mogućnost prevrtanja.
- **ANEKS 1**
- **U Ligi pretpionira 2011 (sistem takmičenja 8 + 1) prvak će se odrediti na način da će prvoplasirane ekipe iz grupe A i B razigravati u jednoj utakmici na velikom terenu po sistemu takmičenja 10 + 1. Prvak Lige pretpionira 2011 nastupit će na Turniru pretpionirskih selekcija kantonalnih saveza u organizaciji NS F BiH. Troškove terena i službenih lica obezbijedit će Fudbalski Savez Kantona Sarajevo.**
- Ekipe koje imaju više od jedne selekcije u nekoj od istih kategorija, obavezne su kancelariji Saveza dostaviti spisak igrača po selekcijama prije početka svake polusezone, a isti će se proslijediti svim ekipama određene grupe. Razlog ove odredbe je da se onemogući trenerima ekipa da prebacuju igrače iz jedne u drugu ili treću selekciju u toku sezone. Ukoliko se ipak ovo desi, ekipa će snositi takmičarske posljedice, dok će se trener i odgovorna osoba ekipe kazniti novčanom kaznom od 100 KM. Ukoliko se prekršaj ponovi kazna iznosi 300 KM i pokreće se disciplinski postupak protiv trenera i odgovornih lica ekipe.
- Neopravdan nedolazak ekipe na utakmicu u prethodno dogovorenom terminu, prouzrokujeće novčanu kaznu od 300 KM, od koje se 100 KM mora uplatiti Fudbalskom Savezu Kantona Sarajevo, a 200 KM protivničkom klubu **do prvog narednog kola**, na kojem ekipa neće moći nastupiti ukoliko se uplata ne izvrši, a protiv odgovornih lica pokrenuće se disciplinski postupak.
- Neopravdan nedolazak ekipe na drugu utakmicu u prethodno dogovorenom terminu odigravanja, za posljedicu ima isključenje ekipe iz takmičenja, a klub snosi sankciju u vidu novčanog kažnjavanja u iznosu od 500 KM.
- **Za kategorije Pretpionira 2010 i 2011 ne mogu se otkazivati termini, jer su isti komercijalnog karaktera.**
- **Nogometni turniri ne mogu se organizovati tokom trajanja takmičarske sezone bez dobivanja posebnog odobrenja matičnog Fudbalskog Saveza Kantona Sarajevo.** Škola fudbala ili fudbalski klub koji bude organizovao turnire bez odobrenja Saveza, kao i škola fudbala ili fudbalski klub koji bude učestvovao na takvim nepriznatim turnirima, snosiće disciplinsku kaznu u iznosu od 500 KM, a u ponovljenom slučaju biće automatski isključen iz daljeg toka takmičenja.
- Igrači i igračice mogu nastupati isključivo u patikama predviđenim za vještačku podlogu.
- Igrači i igračice moraju nastupiti u sportskoj opremi (dresovima) – nije dozvoljeno igrati u markerima.
- Pravo nastupa imaju i djevojčice godinu dana starije od dječaka određene kategorije.
- Taksa za teren Lige pretpionira 2010 iznosi 100,00 KM po selekciji za polusezonu, dok taksa za teren Lige pretpionira 2011 iznosi 180,00 KM po selekciji za polusezonu, i iste

je obavezno uplatiti 15 dana prije početka takmičenja (jesenji dio), odnosno 15 dana prije početka drugog dijela takmičenja (proljetni dio).

- Uplata kotizacije za takmičenje Lige pretpionira 2010 i 2011 iznosi 50,00 KM po selekciji za polusezonu 2023/24, i istu je obavezno uplatiti 15 dana prije početka takmičenja (jesenji dio), odnosno 15 dana prije početka drugog dijela takmičenja (proljetni dio).
- **AGRESIVNO PONAŠANJE TRENERA** - Svako nekorektno ili agresivno ponašanje trenera prema igračima, sudiji ili kolegama će se sankcionisati od strane sudije (opomena, a u slučaju ponovljenog prekršaja, odstranjivanje sa terena).
- **Zbog aktuelne pandemije corona virusa, u slučaju novih epidemioloških mjera, Fudbalski Savez Kantona Sarajevo postupiće po uputama i naredbama nadležnih organa Federacije BiH i Kantona Sarajevo.**

PRETPIONIRI 2012 – SISTEM 6 + 1

III. PRAVILA IGRE

Igralište mora imati oblik pravougaonika.

Veličina igrališta je 68 X 37 metara.

Dimenzije vratarevog prostora su 5,5 x 18,30 m, a tačka za izvođenje kaznenog udarca je udaljena 11 metara od linije vrata. Dimenzije vrata su 5 x 2 m.

Utakmice se igraju loptom veličine 4. Lopte za igru dužan je obezbijediti domaćin (prvoimenovana ekipa iz rasporeda takmičenja).

Broj igrača u polju je 7 (6 igrača + golman)

Najveći broj rezervnih igrača je 5 (4 igrača + golman).

U zapisnik utakmice svaka ekipa može maksimalno upisati 13 igrača.

Igraju se 2 perioda po 20 minuta (nakon poluvremena pauza je 3 minute).

Delegat na utakmici kontroliše izmjene igrača.

Aut se izvodi rukom - protivnik kod izvođenja prekida mora biti odmaknut najmanje 5 METARA.

Lopta: veličina 4.

Golovi : 5 x 2 m;

Tačka za penal : 9 m od gola;

Mijenjanje strana je na poluvremenu.

Nema offside pravila.

Jedan (1) sudija sudi utakmicu.

Nakon golauta golman loptu u igru ubacuje nogom, pri čemu u kazneni prostor smiju ući samo golmanovi saigrači, dok protivnički igrači mogu ulaziti u kazneni prostor tek nakon odigrane

lopte. Igrač koji napušta igru čini to u prostoru za izmjene. Igrač koji ulazi u igru to također čini u prostoru za izmjene, ali tek pošto igrač koji izlazi potpuno pređe aut liniju.

IV. ZAJEDNIČKE ODREDBE

Takmičenjem Lige pretpionira 2012 rukovodi Komesar za takmičenje FS KS, koji registruje utakmice u prvom stepenu.

Pravo nastupa za Ligu pretpionira 2012 imaju samo igrači rođeni 2012. i mlađi, te djevojčice 2011. i mlađe.

Utakmice će se igrati u sporskom centru „Safet Zajko“ u Halilovićima (općina Novi Grad), utakmice će se igrati po dvokružnom sistemu takmičenja.

Svim ekipama učesnicama na završetku takmičarske sezone biće uručene prigodne nagrade, a dvanaestorici (12) igrača svake selekcije biće podijeljene medalje.

Za sve ono što nije predviđeno ovim Propozicijama, vrijede odredbe Pravilnika o nogometnim/fudbalskim takmičenjima NS/FS BiH, Disciplinskog pravilnika NS/FS BiH, te ostalih propisa i odluka FSKS i NS/FS BiH.

U ligama pretpionira 2012 pravo nastupa imaju dječaci i djevojčice registrovani u skladu s Pravilnikom o registraciji, statusu i transferu igrača NS/FS BiH, te obavljenim ljekarskim pregledom u nadležnim zdravstvenim ustanovama.

Moraju biti ostvareni sljedeći sigurnosni uslovi:

- stative i prečke moraju biti tako konstruirane ili učvršćene da ne postoji mogućnost prevrtanja.

➤ ANEKS 1

- Ekipe koje imaju više od jedne selekcije u nekoj od istih kategorija, obavezne su kancelariji Saveza dostaviti spisak igrača po selekcijama prije početka svake polusezone, a isti će se proslijediti svim ekipama određene grupe. Razlog ove odredbe je da se onemogući trenerima ekipa da prebacuju igrače iz jedne u drugu ili treću selekciju u toku sezone. Ukoliko se ipak ovo desi, ekipa će snositi takmičarske posljedice, dok će se trener i odgovorna osoba ekipe kazniti novčanom kaznom od 100 KM. Ukoliko se prekršaj ponovi kazna iznosi 300 KM i pokreće se disciplinski postupak protiv trenera i odgovornih lica ekipe.
- Neopravdan nedolazak ekipe na utakmicu u prethodno dogovorenom terminu, prouzrokuje novčanu kaznu od 300 KM, od koje se 100 KM mora uplatiti Fudbalskom Savezu Kantona Sarajevo, a 200 KM protivničkom klubu **do prvog narednog kola**, na kojem ekipa neće moći nastupiti ukoliko se uplata ne izvrši, a protiv odgovornih lica pokreneće se disciplinski postupak.
- Neopravdan nedolazak ekipe na drugu utakmicu u prethodno dogovorenom terminu odigravanja, za posljedicu ima isključenje ekipe iz takmičenja, a klub snosi sankciju u vidu novčanog kažnjavanja u iznosu od 500 KM.

- **Za kategorije Pretpionira 2012 ne mogu se otkazivati termini, jer su isti komercijalnog karaktera.**
- **Nogometni turniri ne mogu se organizovati tokom trajanja takmičarske sezone bez dobivanja posebnog odobrenja matičnog Fudbalskog Saveza Kantona Sarajevo.** Škola fudbala ili fudbalski klub koji bude organizovao turnire bez odobrenja Saveza, kao i škola fudbala ili fudbalski klub koji bude učestvovao na takvim nepriznatim turnirima, snosiće disciplinsku kaznu u iznosu od 500 KM, a u ponovljenom slučaju biće automatski isključen iz daljeg toka takmičenja.
- Igrači i igračice mogu nastupati isključivo u patikama predviđenim za vještačku podlogu.
- Igrači i igračice moraju nastupiti u sportskoj opremi (dresovima) – nije dozvoljeno igrati u markerima.
- Pravo nastupa imaju i djevojčice godinu dana starije od dječaka određene kategorije.
- Uplata takse za teren Lige pretpionira 2012 iznosi 100,00 KM po selekciji za polusezonu, i istu je obavezno uplatiti 15 dana prije početka takmičenja (jesenji dio), odnosno 15 dana prije početka drugog dijela takmičenja (proljetni dio).
- Uplata kotizacije za takmičenje Lige pretpionira 2012 iznosi 50,00 KM po selekciji za polusezonu 2023/24, i istu je obavezno uplatiti 15 dana prije početka takmičenja (jesenji dio), odnosno 15 dana prije početka drugog dijela takmičenja (proljetni dio).
- **AGRESIVNO PONAŠANJE TRENERA - Svako nekorektno ili agresivno ponašanje trenera prema igračima, sudiji ili kolegama će se sankcionisati od strane sudije (opomena, a u slučaju ponovljenog prekršaja, odstranjivanje sa terena).**
- **Zbog aktuelne pandemije corona virusa, u slučaju novih epidemioloških mjera, Fudbalski Savez Kantona Sarajevo postupaće po uputama i naredbama nadležnih organa Federacije BiH i Kantona Sarajevo.**

Sarajevo, August 2023. god.

PREDSJEDNIK
Hamdo Spahić, sr.

Broj: 598/23
Sarajevo, 24.07.2023. godine

Na osnovu člana 41. i 57. Statuta Fudbalskog Saveza kantona Sarajevo (FS KS), a u vezi sa Odlukom Komiteta za sportsku medicinu NS/FS BiH od 11.05.2023. godine, Odbor za hitne potrebe FS KS na sjednici održanoj dana 24.07.2023. godine, donio je sljedeću:

ODLUKU
o obavezujućim elementima za ljekarske preglede igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Svaki igrač mora imati nalaz o izvršenom ljekarskom pregledu koji sadrži ocjenu o zdravstvenoj sposobnosti igrača.

Fudbalski Savez Kantona Sarajevo prihvatat će ljekarska uvjerenja zdravstvenih ustanova koja sadrže minimalne obavezujuće elemente iz člana 1. ove Odluke.

Ova Odluka stupa na snagu danom objavljivanja u Službenom glasniku FS KS.

OBRAZLOŽENJE

Odbor za hitne potrebe FS KS razmatrao je propozicije takmičenja sa minimumom medicinskih zahtjeva fudbalskih takmičenja u BiH, Kantonalne lige Kantona Sarajevo i omladinskih i dječjih liga Kantona Sarajevo.

Propozicijama takmičenja predviđa se obaveza da svaki igrač koji nastupa u nekom od prednje navedenih takmičenja, obavezno mora imati nalaz o izvršenom ljekarskom pregledu koji sadrži ocjenu o zdravstvenoj sposobnosti igrača.

Shodno prednje navedenom, a kako bi se u potpunosti ispoštovale odredbe propozicija takmičenja, te precizirala i pojednostavila njihova primjena u praksi, Odbor za hitne potrebe FS KS je u skladu sa odlukom Komiteta za sportsku medicinu NS/FS BiH donio odluku kao u dispozitivu.



Predsjednik

Hamdo Spahić
Hamdo Spahić